



SKUPŠTINA KANTONA SARAJEVO

Vlada Kantona Sarajevo

Ministarstvo saobraćaja

12.Sjednica Skupštine KS

Pitanje broj 57/11

Pitanje se odnosi na funkcionisanje kružnog toka u naselju „Hrasno brdo“ kod pekare AS?

1. Molim da mi se odgovori ko je nadležan za brigu i održavanje kružnog toka, njegovog podzemnog i nadzemnog dijela?
2. Kome se građani naselja Hrasno, Hrasno brdo ali i ostali građani Sarajeva koji žele proći kroz podzemni dio toka mogu obratiti da im se obezbijedi sigurnosni ulaz i izlaz iz podzemnog dijela toka, jer već odavno taj ulaz niko ne čisti, ne obezbjeđuje, niti su u funkciji liftovi a ima ih 3. A uz sve to prokišnjavaju svi ulazi ?
3. Tražim da se Kanton Sarajevo uključi u ovu problematiku jer je učestvovao u izgradnji ovog kružnog toka , pogotovo što će se isti vrlo brzo pretvoriti u smetlište, izvor zaraze i okupljanje raznoraznih sumnjivih tipova.

Obrazloženje:

Zbog svih navedenih problema , ali i zbog evidentnog prokišnjavanja tog objekta, građani ovog dijela Sarajeva a i Kantona Sarajeva već odavno zbog bezbjedonosnih razloga ponovo prolaze direktno preko kružnog toka i time dovode u opasnost kako sebe tako i vozače koji prolaze njime, a da ne spominjem broj djece za čiju sigurnost roditelji i dodatno brinu.

- Kružni tok je na pompezan način otvoren prije 2 godine dana
- Najavljeno je da će na njemu biti 24 sata obezbjeđenje
- Da će biti uredno održavan

- Da će zbog velikog broja stanovnika koji prolaze koji kroz podzemni prolaz (a njih je oko 7.000) biti u funkciji 3 lifta
- I još mnogo toga....

Poštovani to je sada samo bijedna slika onoga što je trebalo biti ponos ovoga grada, to sve skupa odaje vrlo ružnu sliku o nama pa molim ministra da mi da usmeni i pismeni odgovor o ovome problemu.

Sarajevo, 24.07.2019

Zastupnica DF-a
Bibija Kerla